

आकाशवाणी

खबरां अभिलाषा शर्मा कोला

- प्रधानमंत्री नरेन्द्र मोदी होर अज्ज गुजरात च Hybrid Battery Electrode दे मकामी उत्पादन दा उदघाटन करगंन।
- केन्द्रीय खजाना मंत्रालय नै एकीकृत पेंशन योजना थमां राष्ट्रीय पेंशन प्रणाली च इक मुश्त -इक तरफा शामिल होने दी सुवधा दी शुरुआत कीती ऐ।
- सरकार नै सरदार वल्लभ-भाई पटेल ते आदिवासी नेता बिरसा मुंडा हुंदी 150मीं जयंति ते अटल बिहारी वाजपेयी हुंदी 100मीं जयंति मनाने आस्तै त्रै उच्ची सतह दी कमेटियें दा गठन कीता ऐ।
- भारतीय चुना आयोग नै जानकारी दिती ऐ जे बिहार थमां 99 इशारिया 1-1 फीसद मतदाताएं कोला दस्तावेज हासल होई गे न।
- भारतीय नौ-सेना अज्ज विशाखापटनम स्थित नौ-सेना अड्डे पर उन्नत Stealth युद्धपोत Udaygiri ते हिमगिरी गी पानी च तोआरोग।
- ते भारत दी मीराबाई चानू नै अहमदाबाद च राष्ट्रमंडल भार तुलकने आली प्रतियोगिता च सुन्ने दा तगमा जितेया ऐ।

<><><><><><>

प्रधानमंत्री नरेन्द्र मोदी होर अज्ज बड्डलै गुजरात च अहमदाबाद दे हंसलपुर च Hybrid Battery Electrode दे मकामी उत्पादन दा उदघाटन करगंन ते 100 मुख्ये गी Battery Electric गड्डिये दे निर्यात गी हरी झंडी दस्सगंन। इस मौके पर मोदी होर किट्ठै गी सम्बोधित बी करगंन। एहदे शा पैहले कल प्रधानमंत्री मोदी होर आक्खेया जे करसाने, पशु-पालके ते लौहके उद्यमिये दा हित, राष्ट्र लेई सब्भने शा घट्ट ऐ। उने आक्खेया जे कुसै बी स्थिति च इनैगी कोई नुक्सान नैई होन दिता जाग। प्रधानमंत्री होर कल अहमदाबाद दे खोडलधाम मैदान च 5 हजार 4 सौ करोड़ रपे शा मती कीमत आली विकास परियोजनाएं दा लोकार्पण ते कैइये दा नीह पत्थर रक्खने मगरा जनसभा गी सम्बोधित करदे होई एह गल्ल आक्खी। प्रधानमंत्री होर अहमदाबाद दे हंसलपुर च स्थित सुजुकी मोटर प्लांट च 2 ऐतिहासिक उपलब्धिये दा उदघाटन करगंन। एदे इलावा प्रधानमंत्री होर TDS Lithium Ion Battery संयंत्र च Hybrid Battery Electrode दे मकामी उत्पादन दी शुरुआत कन्ने भारत दे Battery उत्पादन तंत्र दे अगले गेढ़ दा बी उदघाटन करगंन।

<><><><><><>

UPS -NPS

वित्त मंत्रालय नै नमी शुरु कीती गई एकीकृत पेंशन योजना UPS थमां राष्ट्रीय पेंशन प्रणाली च इक-मुश्त -इक तरफा शामिल होने दी सुविधा शुरु कीती ऐ। इक आधिकारिक अधिसूचना मुजब एह सुविधा UPS धारके गी अपनी सेवा निवृत्ति दे इक बरे पैहले यां अपनी मर्जा कन्ने समें थवां पैहले पेंशनी होने दे त्रै महीने पैहले उपलब्ध होग।

बर्खास्तगी निश्कासन जां अनुशासनात्क कारवाई दा सामना करने आहले कर्मचारी इस सुविधा दे पात्र नई होगन।

<><><><><><>

Govt. Committes

सरकार नै सरदार वल्लभाई पटेल ते आदिवासी नेता बिरसा मुंडा हुंदी 65सौ मी जयंति ते अटल बिहारी वाजपेयी हुंदी 100मी जयंति मनाने आस्तै त्रै उच्ची स्तह दी कमेटियें दा गठन कीता ऐ। केन्द्रीय संस्कृति मंत्रालय मुजब, प्रधानमंत्री नरेन्द्र मोदी होर त्रौनै समीतियें दे अध्यक्ष होगन। समीतियें गी, मुख्य भरै च योजनाएं, कार्यक्रमें गी मंजूरी देने, स्मृति समारोह दी निगरानी ते मार्गदर्शन करने दा कम्म सौंपेया गया ऐ। वल्लभाई पटेल हुंदा जन्म 31 अक्टूबर 1875 गी गुजरात दे नाडियाद च होआ हा। उन्नै देसै दे सुतंत्रता संग्राम च अहम भूमिका निभाई ही। उन्नैगी भारत दा लौह पुरुष बी आक्खेया जन्दा ऐ। बिरसा मुंडा प्रसिद्ध आदिवासी नेता ते सुतंत्रता सेनानी हे। अंग्रेजें दे अत्याचारें खिलाफ उलगुलान यानि क्रांति जनेह आदिवासी आंदोलन नै राष्ट्रीय जागृति गी बी प्रेरित कीता। आदिवासी समुदाय आसेया भगवान दे रुपै च पूजे जाने आले बिरसा मुंडा होरें शोषणकारी बवस्था खिलाफ क्रांति आन्दी ही, जेहदे नै 15 नवम्बर गी उन्दी जयंति, आदिवासी नायकें गी सम्मानित करने दा इक मौका बनी गई। तुंआई अटल बिहारी वाजपेयी होरें त्रंऊ बारी देसै दे प्रधानमंत्री दे रुपै च कार्य कीता। उन्दी जयंति 25 दिसम्बर गी सुशासन दिवस दे रुपै च मनाई जन्दी ऐ। प्रधानमंत्री दे रुपै च उन्दे कार्यकाल दौरान भारत नै 1998 च पोखरण 2 परमाणु परीक्षण कीता हा।

<><><><><><>

India-Fiji Terrorism

भारते ते फिजी नै आतंकवाद गी दना बर्दाश्त नेई करने दे धेइये गी पक्का करदे होई एहदे पर दोगला रौं अपनाने आहले मुखें दी नुख्ताचीनी कीती ऐ। भारत दे दौरे पर आए दे फिजी दे प्रधानमंत्री सितिवेनी राबुका ते प्रधानमंत्री नरेन्द्र मोदी हुंदे मझाटे दपक्खी गल्लबात दरान दौने नेताएं आतंकवाद खलाफ इक-मिक्क होइयै कम्म करने दा प्रण पाया। दौने लीडरें इस्सै ब' रे अप्रैल म्हीने पैहलगाम च होए दे आतंकी हमले जेदे च 26 बेदोसे सैलानी मारे गे हे द सख्त नुख्ताचीनी कीती।

<><><><><><>

India Fiji Agriments

भारत ते फिजी नै कल नमीं दिल्ली च सेहत, क्षमता निर्माण ते व्यापक प्रभाव आहली परियोजनाएं सरबन्धी 7 समझौतें पर दस्तखत कीते। फिजी दे प्रधानमंत्री सितिवेनी लिगामा मादा राबुका हुंदे कन्नै प्रतिनिधि स्तरें दी गल्लबात दे बाद संवाददाता सम्मेलन च प्रधानमंत्री मोदी होरें आखेआ जे फिजी दी राजधानी सुवा च भारत दे सहयोग कन्नै इक 100 बिस्तरें आहला सुपर स्पेशलिटी अस्पताल बनाया जाग। मोदी होरें आखेआ जे फिजी च जन औषधि केंद्र बी खोल्ले जांगन जेदे नै लोकें गी सस्ती ते मयारी दोआइयां मिलल सकंगन। मोदी होरें आखेआ जे दौने देशें साइबर सुरक्षा ते डेटा सुरक्षा दे खेतर च आपसी सहयोग बधाने लेई किट्ठे रलियै कम्म करने दी सहमति जताई ऐ। मोदी होरें आखेआ जे जलवायु परिवर्तन फिजी लेई गंभीर चिंता दा विषे ऐ ते इस संदर्भ च दवें देश नमी ते नमीकरणीय उर्जा दे खेतर च किट्ठे रलियै कम्म करा करदे न। उनें अगगे

आखेआ जे भारत ते फिजी अंतरराष्ट्री सौर गठबंधन, आपदा रोधी बुनियादी णांचे ते कुल संसारी जैव ईंधन गठबंधन च इक-मिक्क न। फिजी दे प्रधानमंत्री होरें आखेआ जे दौनें मुख्यें बश्कार होए दे समझौते उन्दे देसै लेई मती कारी दे साबत होंगन।

<><><><><><>

ECI Bihar

भारतीय चुनां आयोजन नै जानकारी दिती ऐ जे बिहार थमां 99 इशारिया 1-1 फीसद मतदाताएं कोला दस्तावेज हासल होई गेन-जिस्सलै के मतदाता सूचियें दी विशेष नजरसानी तैहत दावे- आपतियें ते दस्तावेज जमा करवाने लेई अजें बी 7 दिन बाकी न। चुना आयोग दे मताबक दस्तावेजें गी हर रोज किट्ठा करने आली दर इक इशारिया 6-4 प्रतिशत ऐ। पैहली सितम्बर तगर दी समे-सीमा निर्धारत होने दे बावजूद- छड़ा सिफर इशारिया 8-9 प्रतिशत मतदाताएं गै- हूने तोड़ी अपने दस्तावेज जमा नैई कीते न। आयोग नै आक्खेया ऐ जे बूथ सतह दे अधिकारियें ते स्वयं-सेवकें दी मदाद कन्नै चलाया जा रदा एह अभियान तय समय कोला पैहले पूरा होने दी मेद ऐ।

<><><><><><>

Indian Navy

भारतीय नौ-सेना अज्ज विशाखापट्टनम स्थित नौ-सेना अड्डे पर उन्नत स्टील्थ युद्धपोत उदयगिरी ते हिमगिरि गी पानी च तोआरोग। रक्षामंत्री राजनाथ सिंह होर इस समारोह दी अध्यक्षता करगंन। एह पैहला मौका होग- जिसलै 2 बक्ख-बक्ख पोत-कारखानें च तयार अग्रणी सतह आहले युद्धपोतें गी पानी च तोआरेया जाग- जेड़ा भारत दे पूर्वी समुन्द्री तट दे बददे समुन्द्री महत्व गी दर्शादा ऐ। रक्षा मंत्रालय नै आक्खेया ऐ

जे इनें दौनें जहाजें दे डिजाइन-हथियार ते सेंसर प्रणालियें च महत्वपूर्ण सुधार कीते न। इनेंगी 20 सौ थवां मते भलेया लौहके- लौहके ते दर्मयाने दर्जे दे उपक्रमें थवां हासल अंशदान थवां तयार कीता गया ऐ ते इनेंगी बनाने दी प्रक्रिया च लगभग 4 हजार प्रतक्ख ते 10 हजार परोक्ष रोजगार पैदा होए।

<><><><><><>

APY

अटल पेंशन योजना दे तैहत पंजीकृत लोकें दी गिनतरी 8 करोड़ 11 लक्ख गी पार करी गई ऐ ते माली बरे 2024-25 च इक करोड़ 17 लक्ख थवां मते लोक जुड़े न। एह योजना महिलायें ते युवाएं बश्कार तेजी कन्नै लोकप्रिय होआ रदी ऐ। 2024 -25 च कुल नामांकनें च 55 फीसद महिला हियां। पेंशन निधि नियामक ते विकास प्राधिकरण च नर्मी दिल्ली च अटल पेंशन योजना, सालाना सम्मान समारोह दा आयोजन कीता।

<><><><><><>

US India-Tariffs

अमरीका नै भारत सोया होने आहले आयात पर 25 फीसद दा बाददू शुल्क लाने दा आधिकारिक नोटिक जारी कीता ऐ। नमां शुल्क कल्लै थवां अमल च आऔग। एह नोटिस अमरीकी सीमा शुल्क ते सीमा सुरक्षा दे राए गृह विभाग थवां जारी कीता गया ऐ। नोटिस च आक्खेया गया ऐ जे एह शुल्क 6 अगस्त गी ट्रम्प हुंदे आसेया कीते गेदे दस्तख्त मगरा दे कार्यकारी आदेश गी लागू करदा ऐ। इस बरे अगस्त महीने च भारत आसेया रुस सोया तेल खरीदने करी ट्रम्प होरें भारत थवां औने आहली चीजें पर 25 फीसद बाददू शुल्क लाया। इस करी कुल शुल्क बदियै 50 फीसद होई गया ऐ।

<><><><><><>

PM-MKB

प्रधानमंत्री नरेन्द्र मोदी होर 31 अगस्त ऐतवार दिनें 11 बजे अपने माहवार रेडियो कार्यक्रम “मन की बात” दे राएं देश-बदेश च रौहने आहले लोकें कन्नै अपने बचार सांझे करडन। एह् इस कार्यक्रम दी 125मीं किशत होग जेहदा प्रसारण आकाशवाणी ते दूरदर्शन दे समूलचे नेटवर्क दे कन्नो-कन्नी आकाशवाणी खबरें दी वेबसाइट ते न्यूज़ ऑन ए.आई.आर मोबाइल ऐप ते डीडी न्यूज़, आकाशवाणी न्यूज़, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाहग। आकाशवाणी जम्मू आसेआ मन की बात दे तुरत मगरा एहदा डोगरी च अनुवाद प्रसारत कीता जाहग जिसी तुस रातीं 8 बजे इक बारी परतियै बी सुनी सकदे ओ।

<><><><><><>

Mirabai Chanu

भारत दी मीराबाई चानू नै अहमदाबाद च राष्ट्रमंडल भार तुलकने आली प्रतियोगिता च कल सुन्न दा तगमा जितियै Glasgow च अगले बरे होने आली राष्ट्रमंडल खेड्डें लेई Qurlify करी लैता ऐ। Tokyo Olympics च चांदी दा तगमा जितने आली मीराबाई चानू नै 48 किलोग्राम भार वर्ग च राष्ट्रमंडल चैम्पियनशिप रिकार्ड दर्ज करदे होई कुल 193 किलो भार चुकेया। उनें स्नैच च 84 ते Clean and Jerk च 109 किलो भार चुकेया।

<><><><><><>

IMD

मौसम विभाग नै गुजरात च शनिवार तगर ते राजस्थान च कल्ला तगर मूसलाधार बरखा जारी रौहने दा अनुमान जाहिर कीता ऐ। विभाग नै दिल्ली- चंडीगढ़- हरियाणा- पंजाब- लद्दाख- ओडिशा ते तटीय आंध्र-प्रदेश च अज्ज तेज बरखा दा अनुमान जाहिरी कीता ऐ। छत्तीसगढ़- हिमाचल प्रदेश-उत्तराखंड- पच्छिम मध्य-प्रदेश- मध्य महाराष्ट्र- कोंकण-गोवा- तटीय कर्नाटक- केरल- माहे ते तेलंगाना दी बक्ख-बक्ख थाहरें पर बरखा होने दी मेद ऐ।

<><><><><><>

Weather

तोंआई जम्मू क्षेत्र दे बक्ख-बक्ख थाहरें च कल रातीं थमां लगातार बरखा होआ करदी ऐ। मौसम मैहकमे नै जम्मू- रियासी-उधमपुर-साम्बा-कठुआ ते राजौरी जिले दे बक्ख-बक्ख थाहरें पर भारी बरखा ते केंई थाहरें हलकी थमां दर्मयानी दर्जे दी बरखा दी पेशगोई कीती ऐ। खराब मौसम गी दिक्खदे होई जम्मू संभाग दे सारे सरकारी ते प्राईवेट स्कूल अज्ज लगातार दूए दिन बी बंद रक्खे गे न। खराब मौसम दे चलदे 27 अगस्त तककर लोकें गी हाड़ औने आली थाहरा दे कन्नो-कन्नी- पानी आहले स्रोतें थमां दूर रौहने लेई आक्खेया गया ऐ।

<><><><><><>